

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Vendimi - Ç'mund të ndodhë me shtatë figurat e UÇK-së që u përmendën në aktgjykimin e 16 shtatorit?
ADRESA	https://www.syri.net/kosova/917523/cmund-te-ndodhe-me-shtate-figurat-e-uck-se-qe-u-perme-nden-ne-aktgjykimin-e-16-shtatorit/
BURIMI	syri.net
GJENDJA	online

KOHA


KAPUR NGA NE	18 shtator 2026, 09:31:54 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	18 shtator 2026, 09:14:09 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	153bf56a831e20dc17235948905d97310eeea2367c9ae99587defbbb0529f6e9
TEKSTI	1d00d3ca9bbac2f48b0c26dd00af20785c98167f395bf827d6500ec2af8db0ef
PAMJA	6fa064696d643cf1dbf96bb3c8050e8b3ce8434d538183b47dd19a53b80e3842

ZINXHIRI I PROVËS

KJO HYRJE	d427acdf8dac9385ee55f5558579e694f939e32ad9c7ab34d5b3f203bbb092d2
E MËPARSHMJA	—
RRËNJA MERKLE	219f872b2d436154cbce21b1357d2a6f04cc2d43ba2a7914d91c1ebdf0665477
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet, në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/d427acdf8dac9385ee55f5558579e694f939e32ad9c7ab34d5b3f203bbb092d2>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



SONILA MEÇO

'Në emër të popullit të Kosovës', prokura e një kurthi



ÇIM PEKA

Nga Çim Peka-Tradhtia që s'e panë tu ardhë



Ç'mund të ndodhë me shtatë figurat e UÇK-së që u përmendën në aktgjykimin e 16 shtatorit?

11:14, 18/09/2026

Lahi Brahimaj, Fatmir Limaj, Sylejman Selimi, Rustem Mustafa, Latif Gashi, Shukri Buja dhe Sabit Geci nuk ishin të pandehur, por emrat e tyre u përmendën në aktgjykimin e 16 shtatorit të Dhomave të Specializuara të Kosovës në Hagë ndaj Hashim Thaçit, Kadri Veselit, Rexhep Selimit dhe Jakup Krasniqit.

Gjatë shpalljes së verdiktit dënues për krime lufte ndaj katër ish-eporëve të Ushtrisë Çlirimtare të Kosovës (UÇK), trupi gjyqësor i asaj që njihet edhe si Gjykata Speciale konstatoi se shtatë figurat tjera ishin anëtarë të "ndërmarrjes së përbashkët kriminale".

Madje, u tha se Limaj, Geci, Mustafa dhe Gashi "ishin zbatues të zellshëm të qëllimit kriminal që kishte në shënjestër kundërshtarët".

Si e përshkroi Specialja "ndërmarrjen e përbashkët kriminale"?

Trupi gjyqësor e mbështeti ekzistencën e "qëllimit të përbashkët kriminal" në faktorë si: vrasjet e shqiptarëve të dyshuar si kolaboracionistë dhe të serbëve, komunikatat politike, luftën speciale, qendrat e ndalimit dhe tolerancën, pranimin dhe inkurajimin e krimeve ndaj kundërshtarëve.

Sipas gjyqtarëve, katër ish-udhëheqës të UÇK-së i kishin caktuar vetes dhe të tjerëve role e pozita, përmes të cilave "kontrolluan zbatimin e qëllimit të përbashkët kriminal".

"Kriminalizim retrospektiv" i udhëheqjes së UÇK-së

Ish-prokurori i Tribunalit Penal Ndërkombëtar për ish-Jugosllavinë (TPNJ), Geoffrey Nice, e quan "të paprecedentë" mënyrën se si Brahimaj, Limaj, Sylejman Selimi, Mustafa, Gashi, Buja dhe Geci u emërtuan në aktgjykimin ndaj katërshes së UÇK-së.

Në një përgjigje për Radion Evropa e Lirë (REL), ai tregon se në aktgjykime të tilla mund të thuhet se dikush ka "vepruar në kuadër të një ndërmarrjeje të përbashkët kriminale me persona të panjohur".

Ndërkaq, avokati i licencuar në Dhomat e Specializuara, Artan Qerkini, thotë për REL-in se trupi gjyqësor kishte nevojë për "anëtarë" të tjerë si pjesë e këtij "qëllimi të përbashkët", për t'i lidhur katër të dënuarit me krimet e kryera nga persona të tjerë.

më të lexuarat

A e ndryshon vendimi i Hagës mënyrën si duhet parë UÇK-ja? Flet historiani Konrad Clewing! Faji individual, lufta e Kosovës dhe kufijtë...

Specialja: Të akuzuarit vepruan së bashku për një qëllim të përbashkët kriminal, Thaçi ishte anëtar kyç

'Thaçi kishte dijeni për krimet, Veseli mori pjesë dhe inkurajoi kryerjen e tyre'

Kur Albin Kurti paralajmëronte Kuvendin e Kosovës: VV nuk e njeh Gjykatën Speciale, ne nuk do të dorëzojmë luftëtarët e UÇK

'Selimi dhe kontribut në zbatimin e qëllimit të përbashkët kriminal, mori pjesë në kryerjen e krimeve'

Granit Xhaka në mbështetje të çlirimtarëve: Luftuan në tokën e tyre për lirinë e atdheut!

Me këtë konstatim, sipas Nevenka Trompit, hulumtuese e TPNJ-së që ka ndjekur nga afër edhe procesin në rastin "Thaçi dhe të tjerët", Gjykata Speciale e cilësoi gjithë Shtabin e Përgjithshëm të UÇK-së si pjesëmarrës në "ndërmarrje kriminale".

"Është një kriminalizim retrospektiv i strukturës qendrore komanduese të UÇK-së si tërësi, në një shkallë që aktgjykimet e vetë TPNJ-së nuk e vërtetuan kurrë", thotë Tromp për REL-in.

A mund të nisë Prokuroria hetime ndaj shtatëshes?

Në një përmbledhje të aktgjykimit të 16 shtatorit thuhet se shtatë figurat e UÇK-së ranë dakord "për qëllimin e përbashkët kriminal", por theksohet se atyre nuk u është konstatuar fajësia dhe se gëzojnë prezumimin e pafajësisë.

Edhe avokati Qerkini pohon se fakti që ata përmenden në aktgjykim nuk përbën kallëzim penal për ta.

"Zyra e Prokurorit të Specializuar i ka pasur këta emra në aktakuzën e vet që nga viti 2020, dhe për gjashtë vjet nuk ka ngritur aktakuzë ndaj tyre", thotë ai.

Pikëpyetjen nëse shtatë të përmendurit mund të përballen me pasoja juridike, Qerkini thotë se "e mbyll përfundimisht" rasti i Sylejman Selimit, ngase Zyra e Prokurorit të Specializuar i kishte ndërprerë hetimet ndaj tij në shkurt të vitit 2025.

Sipas tij, edhe emrat e tjerë kanë kaluar nëpër procese gjyqësore, dhe këtu thotë se vlen parimi i njohur i të drejtës penale "jo dy herë gjykim për të njëjtën çështje".

Javë më parë, nga Prokuroria Speciale i thanë REL-it se nuk pranojnë të komentojnë mbi "ekzistencën ose hollësitë e ndonjë hetimi".

Sipas tyre, mandati i kësaj prokurorie vazhdon "derisa Këshilli i Bashkimit Evropian të njoftojë institucionet e Kosovës se hetimet dhe procedurat përkatëse kanë përfunduar".

Shukri Buja, i përmendur nga trupi gjyqësor më 16 shtator, nuk beson se mund të ndiqet, pasi prokurorët e Speciales në vitin 2024 mbyllën hetimet që i kishin nisur ndaj tij pesë vjet më herët.

"Jam rasti i parë që i kanë mbyllur hetimet, dhe në njëfarë forme e kanë shpallur luftën time të drejtë dhe të panjolllosur", shprehet Buja për REL-in.

Ai thotë se nuk e njollos as emërtimi "anëtar i ndërmarrjes së përbashkët kriminale", ndryshe nga aktgjykimi që, sipas tij, "padrejtësisht" njollosi katër ish-krerët e UÇK-së.

Nëpër çfarë procese kaluan shtatë figurat e UÇK-së?

Disa nga shtatë figurat e përmendura në aktgjykim janë marrë në pyetje nga Prokuroria e Specializuar në Hagë.

Më herët, ata kanë pasur përvoja të ndryshme me drejtësinë për çështje që lidhen me krimet e luftës.

Lahi Brahimaj dhe Fatmir Limaj u gjykuan nga TPNJ-ja, por të dy përfundimisht u shpallën të pafajshëm. Limaj u shpall gjithashtu i pafajshëm në rastet "Kleçka" dhe "Bellanica" në Kosovë.

Sylejman Selimi, Rrustem Mustafa dhe Latif Gashi u dënuan nga gjykatat në Kosovë për krime lufte, ndërsa Selimi më vonë u shpall i pafajshëm në rigjykimin e njërit prej rasteve.

Sabit Geci u dënua në Kosovë për krime lufte ndaj civilëve, ndërsa Buja nuk ka kaluar nëpër ndonjë proces gjyqësor për krime lufte.

Sipas ish-prokurorit Nice, duhet pritur aktgjykimin e plotë për të parë nëse do të ketë një arsyetim pse u përmendën shtatë emrat në rastin ndaj katërsheve të UÇK-së.

© SYRI.net

Lexo edhe:



Policia njofton për masat e sigurisë për protestën mbarëkombëtare



Edhe sot protestë kundër vendimit të Speciales ndaj ish-krerëve të UÇK-së



Hashim Thaçi reagon pas vendimit në Hagë: Mohoj çdo përfshirje në vrasje, do ta apeloj vendimin

Trupi gjyqësor: Krasniqi kishte dijeni për krimet, por nuk ndërmori hapa



Gjykata Speciale: Katër të akuzuarit janë penalisht përgjegjës për krime lufte!



Ndërron jetë Flora Brovina, nesër do të dëshmonte për Masakrën e Dubravës

Komentet

Shto koment

Emri

Shkruani komentin tuaj

Posto

TË NGJASHME




Bosch: Presidenti i ri i Kosovës, mbase mund t'i falë të dënuarit nga Specialja



Kurti pret Hamzën pas vendimit të Hagës, diskutojnë apelimin e aktgjykimit




FOTO/ Shqiptarët protestojnë në Times Square pas aktgjykimit ndaj ish-krerëve të UÇK-së



Hamza: Vendimi në Hagë i padrejtë, PDK do të ndërmarrë veprime konkrete



Protestë mbarëpopullore nesër në Prishtinë



Trajneri Franco Foda flet për largimin e Rrahmanit nga Kosova: Nuk ka bojkot

LAJME POLITIKË KRONIKË EKONOMI KOSOVA BOTË KULTURË SHKENCË SPORT JETË/STIL TRASHËGIMI MËDIS ARKIVA



SYRI.net është agjencia më e madhe e lajmeve në Shqipëri, që brenda një kohe të shkurtër është kthyer në lider të informacionit. Në SYRI.net do të gjeni opinionistë më me emër në vendin tonë, investigime dhe lajme që nuk do ti gjeni diku tjetër. Lajmet në SYRI.net janë prodhim i SYRI.net dhe nuk lejohet marrja e tyre pa një komunikim të mëparshëm me redaksinë. Ju ftojme të klikoni dhe të na shkruani sa herë që ju mendoni se duhet. Stafi i SYRI.net

Për informacione info@syri.net, për reklama marketing@syri.net